



UNIVERSITÄTS-
BIBLIOTHEK
PADERBORN

Universitätsbibliothek Paderborn

M. Fabii Quintiliani Institutionum Oratoriarum Libri Duodecim

Summa diligentia ad fidem vetustissimorum codicum recogniti ac restituti

Quintilianus, Marcus Fabius

Lugd. Batav. ; Roterodami, 1665

Cap. IV. De propositione.

urn:nbn:de:hbz:466:1-12945

plurima sunt quæ rebus nihil secum cohærentibus inferuntur, quibus iudex reficitur, admonetur, placatur, rogatur, laudatur. Innumerabilia sunt hæc, quorum alia sic præparata afferimus: quædam ex occasione vel necessitate dicimus, si quid nobis agentibus novi accidit, interpellatio, ¹ interventus alicujus tumultus. Unde Ciceroni quoque in procœmio cum ² diceret pro Milone, digredi fuit necesse, ut ipsa oratiuncula qua usus est, patet. Poterit autem paulo longius exire, qui præparat aliquid ante quæstionem, & qui finitæ probationi velut commendationem adjicit. At qui ex media erumpit, cito ad id redire debet, unde divertit.

¹ *Interventus alicujus tumultus.*] Ut Cic. pro Rabirio perduellionis reo fecit, concitato in concione tumultu. *Idem. Interventus.*] An leg. *intervenientis?* Pithœus.

² *Diceret pro Milone.*] Nam cum Clodiani sustulissent clamorem, Ciceroni fuit necesse digredi. Hoc autem intelligendum est de ea oratione quam habuit, non quam scripsit. Turneb.

C A P. IV.

De propositione.

⁴ **S**unt qui narrationi *propositionem* subjungant tanquam partem judicialis materiæ: cui opinioni respondimus. Mihi autem *propositio* videtur ¹ omnis confirmationis initium: quod non modo in ostendenda quæstione principali, sed nonnunquam etiam in singulis argumentis poni solet, maximeque in his quæ ² ἐπιχειρήματα vocantur. Sed nunc de priore loquimur. ³ Ea non semper necessaria est. Aliquando enim sine propositione quoque aliqua fatis manifestum est

Duplex est *propositio*, altera *generalis* & totius causæ, quæ breviter complectitur id quod in controversiam venit, & mox narrationem sequitur, & sepissime loco etiam narrationis ponitur: altera *specialis*, quæ singulis argumentationibus solet præponi, ut *syllogismis* & *epicherematibus*. Turneb.

¹ *Omnis confirmationis initium.*] Quod negat Vossius, quem vide lib. 3. Institut. Orator. cap. 11. p. 365.

² *Ἐπιχειρήματα.*] Epicherema, quod *aggressionem* vertit Celsus, *Ciceroniatecationem*, argumentatio est syllogistica, quæ majore, minore, & conclusione constat. quanquam Cic. plures ejus facit partes. Turneb.

³ *Ea non semper.*] Fabius superius docuit, nonnunquam eo perduci *expositionem* unde oritur quæstio. quod cum sit, propositione non est opus. *Idem.*

I Adeo

est quid in quæstione versetur: utique si narratio ibi finem habet, ubi initium quæstio; ¹ adeo ut aliquando subjungatur expositioni, quæ solet in argumentis esse ² summa collectio. ³ Hæc sicut exposui, ita gesta sunt, judices: insidiator superatus, vi viæta vis, vel potius oppressa virtute audacia est. ⁴ Sed nonnunquam valde utilis est, præcipue ubi res defendi non potest, de ⁵ jure quæritur: ut pro eo qui pecuniam privatam de templo sustulit, sacrilegii agitur, De sacrilegio cognoscitis: ut judex intelligat id unum esse officii sui, quærere an id quod objicitur, sacrilegium sit. Item in cauissimis obscuris, aut multiplicibus. ⁶ Nec semper propter hoc solum, ut sit causa lucidior, sed aliquando etiam ut magis moveat. ⁷ Movet autem, si protinus subtexantur aliqua quæ profint. Lex aperte scripta est, ut peregrinus qui murum ascenderit, morte mulctetur. peregrinum te esse certum est: quin ascenderis murum, non queritur: quid supereft, nisi ut te puniri oporteat? Hæc enim propositio confessionem adversarii premit: & quodammodo judicandi moram tollit: nec indicat quæstionem, sed adjuvat. Sunt autem ⁸ propositiones & simplices, & duplices vel multiplices. Quod accidit non uno modo. Nam & plura crimina junguntur: ut cum ⁹ Socrates accusatus est quod

corrum-

¹ Adeo ut.] Tantum abest ut propositione sit semper utendum post narrationem, ut plerunque epilogis utamur, & quadam conclusione quæ propositioni contraria est. Idem.

² Summa collectio.] Ανακεφαλαιωσις. Pithoeus.

³ Hæc sicut.] Pro Milone.

⁴ Sed nonnunquam.] Docuit antea Fa-
bius, cum factum excusari non potest
aut negari, sed in sola juris quæstione
consistit, aut in finitione, narrandum
non esse, sed proponendum: quod &
hoc loco afferit. Idem.

⁵ Jure.] Al. fine. al. nomine.

⁶ Nec semper.] Duplex est usus propo-
sitionis: aliquando enim duntaxat docet
de quo quæritur, quæ præcipua hujus
causa est, ut causa sit dilucidior, quo

clarus cognoscat judex de quo pronun-
ciaturus sit, aliquando vero adhibitis
argumentis aut affectibus non solum
docet, sed etiam impellit. Turneb.

⁷ Movet autem.] Propositio causæ nun-
quam probat, sed probatur semper,
argumentationis autem propositio semper
probatur. Itaque hoc loco quod primum
proponitur argumentationis potius est
propositio quam causa. Sed tota hæc ar-
gumentatio propositionis totius causæ
locum habet & probat, ideo, quoniam
est argumentatio. Idem.

⁸ Propositiones simplices.] Pro num-
ero criminum quæ in causa tractantur.
Idem.

⁹ Socrates.] Socrates ab Anyto & Me-
lito accusatus est, quod mala institutio-
ne juvenes legibus repugnantes effice-

X 3 ret,

corrumperet juventutem, & novas superstitiones introduceret.
 Et singula ex pluribus colliguntur: ut cum legatio male gesta
*objicitur*¹ *Æschini*, quod mentitus sit, quod nihil ex mandatis
fecerit, quod moratus sit, quod munera acceperit.² Recusatio
 quoque plures interim propositiones habet: ut contra peti-
 tionem pecuniæ, *Male petis*:³ procuratori enim tibi esse
 non licuit: sed neque illi cuius nomine litigas, habere pro-
 curatorem: sed neque es hæres ejus à quo accepisse mutuam
 dicor: nec ipsi debui.⁴ Multiplicari hæc in quantumlibet
 possunt, sed rem ostendisse satis est. Hæc si ponantur sin-
 gulæ subjectis probationibus, plures sunt propositiones:
 si conjungantur,⁵ in partitionem cadunt.⁶ Est & nuda
 propositio, qualis fere in conjecturalibus: *Cædis ago*, *fur-
 tum objicio.* Est ratione subjecta: ut, *Majestatem minuit Ca-
 jus Cornelius*: nam⁷ *codicem tribunus plebis ipse pro concione
 legit.* Præter hæc utimur propositione aut nostra, ut, *Adul-
 terium objicio.* Aut adversarii, ut, *Adulterii mecum agitur*,
 aut communi, ut, *Inter me & adversarium quæstio est*, uter
 sit⁸ *intestato propior.* Nonnunquam diversas quoque jungi-
 mus,

ret, quodque novas religiones indu-
 ret, cum dæmonium se habere ferret, ac
 per canem & per anserem juraret. *Idem.*

¹ *Æschini.*] Missus est legatus Æschini-
 nes ad Philippum regem Macedoniae de
 foedore percutiendo: postea autem ac-
 cusatus est à Demosthene. Est autem hæc
 divisio orationis Demosthenis, quam
 habuit de male obita legatione. *Idem.*

² *Recusatio.*] Depulsio criminis &
 actionis. *Idem.*

³ *Procuratori.*] Procurator est, qui
 alterius negotia gerit, causasque tuetur.
 cæterum procurator esse non potest ille,
 qui infamia notatus est. *Idem.*

⁴ *Multiplicari.*] Quanquam multi-
 plicare possumus propositionum nume-
 rum, tamen illas duntaxat propositiones
 ponere debemus quæ necessariæ sunt vel
 ad rei iudicationem, vel ad defensionem.
Idem.

⁵ *In partitionem cadunt.*] Ex hoc loco

atque aliis permultis colligere possumus
 propositionem non differre à divisione: nisi
 quia propositio simplex est, divisio autem
 conjuncta seu multiplex. *Idem.*

⁶ *Est & nuda.*] Status conjecturalis
 (ut lib. 3. ostendimus) causam non desi-
 derat: hinc fit ut sæpenumero illic nuda
 sit expositio: at status judicialis causam
 admittit, eoque fit ut persæpe ejus pro-
 positio cum ratione ponatur. *Idem.*

⁷ *Codicem.*] Nam consuetudo erat
 ut lex recitaretur à præcone præcente
 scriba. Cornelius autem ipse pro con-
 cione legem recitavit. Ideoque perduel-
 lionis reum factum Cicero defendit.
 quæ oratio non extat, sed quoddam A-
 sconii in eandem extat fragmentum ex
 quo hic locus illustratur. *Idem.*

⁸ *Intestato.*] Nam ex gentilibus &
 agnatis ille qui propinquior erat, ex le-
 ge 12. tabularum intestati hæreditatem
 obtinebat. *Idem.*

³ *Paritio*

mus, *Ego hoc dico, adversarius hoc.* Habet interim vim propositionis, etiam si per se non est propositio, ut cum exposito rerum ordine subjicimus, *De his cognoscitu.* ut sit hæc commonitio judicis, quo se ad quæstionem acrius intendat, & quodam velut jactu excitatus finem esse narrationis, & initium probationis intelligat: & nobis confirmationem ingredientibus, ipse quoque novum quodammodo audiendi sumat exordium.

C A P. V.

De partitione.

Partitio est nostrarum aut adversarii propositionum, aut ⁵ utrareunque ordine ² collata enumeratio. Hac quidam utendum semper putant, quod ea & fiat causa lucidior & judex intentior ac docilior, si scierit & de quo dicimus, & de quo dicturi postea sumus. ³ Rursus quidam pericolosum id oratori arbitrantur, duabus ex caussis, quod nonnunquam & excidere soleant quæ promisimus, & si qua in partiendo præterierimus, occurrere. Quod quidem nemini accidet, nisi qui plane vel nullo fuerit ingenio, vel ad agendum nihil cogitati præmeditatique ⁴ detulerit. Alioqui quæ tam manifesta & lucida est ratio, quam rectæ partitionis? Sequitur enim naturam ducem, adeo ut memoriarum id maximum sit auxilium, via dicendi non decadere. ⁵ Quapropter

¹ *Partitio.*] *Partitio & specialius accipitur & generalius.* *specialius*, cum cause capita de quibus dicturi sumus simul proponit: *generalius*, quando significat dispositionem quandam & ordinem per totam orationem sparsum: de qua partitione aget libro 7. *Turnebus.*

² *Collata.*] Nam si propositiones illæ non congregarentur, sed seorsum adhibitis probationibus ponerentur, non efficerent partitionem, ut dixit antea Fabius, sed propositionem. *Idem.*

³ *Rursus quidam.*] Nonnulli sunt

tam exigua memoria ut pollicitorum obliviscantur, quod Cicero notat in *Curiione oratore*, qui persæpe tribus promissis quartum addebat, aut tertii obliviscebat. his hominibus pericolosa est *partitio*. *Idem.*

⁴ *Detulerit.*] *Attulerit.*

⁵ *Quapropter ne illorum.*] In hac opinionem est Cornificius, nec ab ea Cicero abhorret, qui tripartita est usus divisione pro Cluentio, pro Muræna, pro Roscio. hanc illi sequuntur rationem, quod major partium multitudo judicis memoriam conturbet. *Idem.*